


Baibuli y'Abaana yaaza kukworeka

Ruhanga akahanga byona



Ekahandiikwa: Edward Hughes

Ebishushani bikateerwa: Byron Unger; Lazarus

Ekahindurwa: Z. Kabaza

Ekateekateekwa: Bob Davies; Tammy S.

Ekitebyo 1 aha 60


www.M1914.org

Bible for Children, PO Box 3, Winnipeg, MB R3C 2G1 Canada


Noobasa kukopoorora nari okuteera omu kyoma akatabo k'ebigambo ebi, kwonka torikwikirizibwa kukatunda.

Runyankore


Owaatuhangire n'oha? Baibuli, Ekigambo kya Ruhanga, neetugambira oku oruganda rw'abantu rwatandikire. Ira munonga, Ruhanga akahanga omuntu w'okubanza yaamweta Adamu.




Ruhanga akahanga Adamu omu mucuucu gw'ahansi. Ku Ruhanga yaahuuhire omwitsyo gw'amagara omuri Adamu, Adamu yaaba ohuriire, yaashanga ari omu kibanja kirungi kirikwetwa Edeni.




Atakahangire Adamu, Ruhanga akabanza yaahanga ensi nungi eijwiremu ebintu birikutangaaza.



Akahanga enshozi n'emigongo, kandi n'empita zirimu ebirabyo biine omugaju n'emiti miraingwa, n'enyonyi z'amapapa gaine amabara marungi, n'enjoki zirikujuujuuta, n'emigoye erikugyendera omu Nyanja, n'ebinyantinda ebirikwekururira ahansi.



Omu kubanza, Ruhanga atakahangire kintu kyona, niwe yaabaire ariho wenka. Ensi n'abantu nari ebintu bikaba bitariho. Omushana n'omwirima, akaabunga n'okuzimu, nyomwabazyo na nyencakare bikaba bitariho. Ruhanga wenka otagira butandikiro niwe yaabaire ariho. Reero yaakora.



Omu kutandika Ruhanga akahanga eiguru n'ensi.


5

Ensi ekaba etari mu buteeka, kandi erimu busha. Omwirima gukaba gushwekire amaizi maingi. Ruhanga yaagira ati:

"Habeho omushana".




Omushana gwabaho. Ruhanga yaayeta omushana Nyomushana, n'omwirima yaagweta Nyekiro. Bwaira, bwashesha, kyaba ekiro ky'okubanza.




7

Aha kiro kya kabiri, Ruhanga akarundaanira amaizi omu mayanja mahango n'omu Nyanja enkye n'omu migyera ahansi y'eiguru. Aha kiro kya kashatu, Ruhanga akagira ati: "Eitaka rireebekye". Ryareebeka.



Kandi Ruhanga akaragiira obunyaatsi n'ebirabyo n'ebishaka n'emiti kureebeka. Bityo byareebeka, Bwaira, bwashesha, kyaba ekiro kya kashatu.




9

Bwanyima Ruhanga yaahanga eizooba, okwezi, n'enyonyoozi nyingi munonga omuntu weena ezi atarikubaasa kubara. Bwaira, bwashesha, kyaba ekiro kya kana.




10

Aha kiro kya kataano Ruhanga akahanga eby'enyanya, ebikye n'ebihango; kandi yaahanga enyonyi empango nka maaya eziine amaguru maraingwa, n'obunyonyi obukye oburikutyotyozza. Ebyenyanya bikahangwa kwekururira omu maize, n'enyonyi kuguruka omu kaabunga. Bwaira, bwashesha, kyaba ekiro kya kataano.




11

Ahanyima y'ebyo, Ruhanga akagaruka yaagamba. Yaagira ati: "Ensi ezaare ebiine amagara..." Haija buri muringo gw'enyamaishwa zoon, n'obukooko n'ebirikwekurura: enjojo rutaaba, obunyonyi oburikwombeka ebyashuri, enkobe ezirikushiisha emisiri, eminyongororwa erikwehinyahinya, n'empundu enyarubwa. Buri muringo gwona ogw'enyamaishwa n'ebukooko Ruhanga akabihanga eryo izooba. Bwaira, bwashesha, kyaba ekiro kya mukaaga.




12

Aha kiro ekyo ekya mukaaga, Ruhanga akakoreraho ekindi kintu- ekintu eky'omutaano munonga. Byona ebi omuntu yaabaire naayetenga bikaba biriho. Hakaba hariho ebyokurya n'amatungo. Ruhanga yaagira ati: "Ka tuhangye omuntu omu muringo gwaitu ategyekye byona ebiri omu nsi."



13

ATYO RUHANGA YAAHANGA OMUNTU ORIKUMUSHUSA; OMU KUSHUSHANA KWA RUHANGA YAABA NIMWO YAAMUHANGIRE ...



14

Ruhanga yaagira Adamu ati: "Rya eki orikwenda kyona ekiri omu musiri. Kwonka otarya aha muti gw'okumanya oburungi n'obubi. Ku orirya aha muti ogwo oryafa".



15

Bwanyima MUKAMA Ruhanga yaagira ati: "Ti kirungi omuntu kuguma wenka. Ka mukorere omuhwezi omushemereire." Ruhanga yaareeta enyonyi n'enyamaishwa ahari Adamu. Adamu yaazeeta amaziina zoonza. Okukora eki nikyoreka ku yaabaire aine obwengye bwingi. Kwonka omuri zo hakaba hatarimu omuhwezi omushemereire.



16

Ruhanga yaagwejegyeza Adamu oturo twinge munonga, munonga, yaamwihamu orubaju rumwe akigwejegyeire, yaaruhangamu omukazi. Ogu mukazi akaba ari omuhwezi oshemereire Adamu.



17

Ruhanga akahanga ebintu byona omu biro mukaaga. Bwanyima Ruhanga yaayeza, ekiro kya mushanju yaakihindura ekiro ky'okuhumura. Adamu na Haawa omukazi we bakaba bari gye nibakwatanisa na Ruhanga kandi nibamworobera. Ruhanga akaba ari MUKAMA waabo, orikubaha byona, kandi Munywani waabo.



18

Ruhanga akahanga byona

Ebi bihirwe omu Kigambo kya Ruhanga, Baibuli

bishange omu

Okutandika 1-2

"Ebigambo byawe ku bishuuruurwa bireeta omushana." Zaaburi 119:130

19

Ruhanga naamanya ku turi abasiisi, nitukora ebibi. Ebihembo by'ekibi n'okufa.

Ruhanga atukunda munonga, nkyo yaayerereize Omwana we, Yesu, kutufeera aha musharaba okuba omutango gwaitu. **Akazooka yaagaruka** omu Iguru! N'ahab'ekyo Ruhanga naabaasa kutusaasira ebibi byaitu.

Ku oraabe nooyenda kweteisa ebibi byawe, shaba Ruhanga oti: Ai Ruhanga, ninyikiriza ku Yesu yanfeereire akazooka, hati ariho. Ninkweshengyereza oije omu magara gangye, kandi onsaasire ebibi byangye, mbone kugira amagara masya, bwanyima ntaahe naiwe ebiro byona. Ompwere ngyende nk'omwana waawe. Amiina. Yohaana 3:16

Shoma Baibuli ogambe na Ruhanga buri Izooba.

20